

no. 6
HEVREUX

AVGVRES
AV ROY,

DE SA VICTOIRE
remportée sur un Monstre.



A LYON,


Prins sur la copie imprimée
à Paris.

M. DC. XVII.

Avec Permission.


H. V. REV.
AVGVRES
AV ROY.

DE LA NICTOIR
Mort de Louis le Grand.



PAR
L'ORDRE DU ROY
M. DE L'ACADEMIE
FRANCOISE

DE L'AN
M. DE L'ACADEMIE
FRANCOISE



HEUREUX

AVGVRES

AVROY,

DE SA VICTOIRE

remportée sur un Monstre.



IRE,

Les histoires fabuleuses, ou les fables
historiales nous enseignent que Iunon
esprise & vlceree d'un malalent & haine irre-
conciliable à l'endroit d'Hercule, luy enuoya un
gros Serpent, estant encorés au berceau, en inté-
riō d'estouffer & exterminer ce pauvre petit en-
fant, mais pourtant des ja grand courage, cōme
l'issue le monstra. Alors ces mainstendrettes &
delicātes, qui par apres furent autāt d'escueils, où
se briserent les bourrasques de cette marastre,
vindrent à colleter cet hideux animal, qui de sa
seule veue eust peu faire expirer cent mil autres

ames enfantines ; & partie de la faueur de Iupiter qui l'auoit mis au monde , partie par sa naissante force & nouveau courage, il estouffa & escraza ce monstre, qui fut sa premiere victoire suiuite d'autres infinies.

Qui ne voit le parangon & le paralelle de vostre naissante authorité avec la sienne, cōme il y aura du progrès : & qu'ainsi qu'il a vaincu en naissant , & est né en vainquant : aussi vous tout de mesmes prenāt l'effor de dessus les aisles de la Royne vostre tres-honorée DAME & MERE, cōme ce petit oyseau de dessus celles de l'Aigle, & vous approchāt du Ciel qui vous a communiqué cette benigne & sainte influēce, vous vous estes venu fondre sur cet enorme & pernicieux Serpēt, que quelque Furie infernale auoit suscitē au monde, que la France (d'un grād creue-cœur de dis-je) auoit nourry & esleuē pl^{us} chèrement que l'un des liens. Mais, ô prodige extreme & extremē prodigieuse, ce Serpēt ne pouoit estre que Serpent, & par consequent conuertit cette nourriture & tant de faueurs, en un venin detestable, au lieu d'en nourrir de bones & solides vertus, qui se repaissent de l'honneur cōme de leur viande la plus delicate : pour en recognoistre & seruir son maistre, cōme les autres vrays & fideles François. Mais ne sçait-on pas qu'une mesme rose se conuertit en incarnat & en

en souefue odeur sur la rose, en pourpre sur l'œil-
let, en amertume sur l'absynthe, & en poison &
venin sur la ciguë & l'aconit, & le tout selon la
disposition du subiect qui les reçoit?

Helas qu'eussent dit de vous & de nous pau-
ures chetifs! les estrangers tant alliez, qu'ennemis
de vostre Sceptre, si vous n'eussiez exterminé ce
Serpent pestifere? De vous qui auez herité d'une
Couronne portée en assurance par les plus
grands & redoutez Roys de l'Vniuers: Courō-
ne qui a tousiours seruy d'ornement & majesté
à l'endroiect des subjets & amis, & aux ennemis
de terreur & d'effroy; & qui a affermy les Cou-
ronnes Imperiales chancelantes, aussi bien que
les triples Diademes: Couronne non portée par
des Agathocles, mais par les plus nobles & re-
nommez du monde: Couronne non iamais ty-
ranniquement & illegitimement enuiee, qu'el-
le n'ait precipité le volontaire vsurpateur ius-
ques au centre de la misere mesme. De nous,
que nous eussions dementy l'opinion & l'esti-
me qu'on faict de nos courages, de l'affectiō en-
uers nos Roys, & fussions esté accusez d'vne
nouuelle conuiuece aux outrages & preten-
tions iniques, non d'un François (ce qu'à Dieu
ne plaïse) ains d'un estranger, mais quel estran-
ger? noble sans adueu & recognoissance d'e-
stoc, outrageux le possible enuers les plus inno-

cens : sans merites, sans valeur, sans aucun seruice & bon deuoir, si petit soit-il, rendu à ce Royaume.

A la bon-heure doncques, SIRE, auez-vous entrepris ce coup d'Estat, le plus grand & le plus aduantageux qui se soit iamais practiqué en aucune Republique bien policee. Duquel l'on peut dire avec verité, qu'il vous a mis tout de bon la Couronne sur la teste, & ce Sceptre en main, qui sembloit y bransler auparauant, & qu'il vouloit assurement vous extorquer. Car que pretendoit-il autre chose, ce cauteleux Serpent, ou plustost ce Basilisque, qui auoit chassé du champ de vostre Estat, & quasi esteint ces nobles & zelez animaux, par l'haleine puante & insupportable à ces ames genereuses, de ses insolens & ambitieux depor temens?

Qui auoit estouffé ceste belle & ieune plante de la Paix, cultiuee avec tant de soin, menagee & procuree par la prudence heroique & toute diuine de ce Mercure Gaulois, de l'honneur duquel il pensoit faire litiere: nous ayant tant enuié ce bon-heur, que de ne permettre de nous reposer à l'ombre de son fueillage, qui sembloit deuoir reuerdir pour iamais.

Quelle partie de l'Estat n'estoit infectee de son

son venin, ordonnant à sa poste de toutes affaires, à vostre veu & sçeu, & à nostre extreme creue-cœur; qui estiōs bourrellez en l'interieur, estans contraincts, pour vostre contentement, de tenir le feu de nos desirs sous l'ardeur de nostre affliction & douleur, & sous la fumee de dissimulation. Nous eussions esté coupables & criminels de leze Majesté, si nous nous fussions seruis de nos langues pour nous plaindre; encor que ce soit vn remede & instrument naturel & coustumier aux plus miserables, pour dissiper les nuages de leurs ennuy & destresses.

Mais courage, puis que le Ciel à la parfin nous a bien-heuré de tant, par ce vostre nouveau coup d'essay, & chef-d'œuvre tout ensemble; duquel nous tirons de tels augures & presages, que ne ferez iamais que choses grandes & hautes, puisque ce dessein prouenu d'un conseil tout diuin, & executé avec tant d'heur, nous a monstré vn eschantillon de vostre esprit clairvoyant aux plus espesses tenebres des affaires & difficultez.

Vous ne ferez que vaincre desormais, puisque vous avez remporté vne si belle & si long temps désirée victoire; les fruiets de laquelle nous sauourerons avec tant de contentement & repos, que nous auons eu de patience pour

l'attendre, & de peine pour l'auoir. Cette victoire est le point le plus heureux où vous eussiez peu iamais rendre la chose publique : estant en cela si honorable & aduantageuse, que vous auez espargné le sang innocent de vos subjets, lequel il prodigoit, les enuoyant de gayeté de cœur à la boucherie, pour en depeuplant & desertant vostre Royaume, & y faisant des montagnes des corps morts, monter iusques au Ciel de vostre throsne Royal, & s'y asseoir sans contredit.

Et luy casannier & souffle-cendre qu'il estoit, voyoit donner les coups de loin, ayant mieux voit bouillir sa marmite remplie de la substance du pauvre peuple; luy qui auoit neantmoins esté le brandon de cette guerre, qui vous alloit faire consumer & destruire ce bel edifice de vostre France.

Que pouuoit-on esperer autre chose de ce Vipere, qui vouloit naistre pour vous estouffer? Où visoient ces sanglantes & diaboliques maximes, proportionnees au reste à sa desordonnee ambition, palliee & couuerte du manteau Royal de vostre autorité? Quelle estoit sa malice & finesse d'empescher l'accès des enfans de vostre famille, à vous qui estes leur pere: enfans qui se passionnoient comme la nature le requiert, les Loix l'ordonnent, &

ainsi

ainsi que le meritez , pour la prosperité de vos affaires : honteux de l'autorité de ce Faquin, contre lequel , à bon droit , s'escri- moyent les plumes les plus iudicieuses & mieux tailles , que vous auez depuis entie- rement acquises à vostre seruice.

Et bien doncques ! eussions nous peu sup- porter d'auantage ce Loup rauissant , qui, comme l'autre , demandoit aux bergers l'es- loignement de leurs chiens en la garde de leurs troupeaux, pour se gorger plus aisémēt d'iceux: Aussi vous enaigrisoit-il, vous nostre bon Berger (cōme Homere appelle les Roys) contre ces nobles Chiens (ainsi que Demo- sthene les nomme) protecteurs de vostre Ro- yal bercail, afin d'arriuer par leur ruine à ce poinct pretendu, poinct indiuisible de la Ro- yauté & Monarchie.

Plaise au Ciel desormais de pleuuoir vne- rosée de toutes sortes de benediçtiōs sur vo- stre heureux chef; ce que nous esperons plus facilement qu'auparauant , emportez par l'heureux succès de ceste nouuelle faueur. Et de faict , quelles preuues de bon-heur auons nous receu depuis la defaictte de ce Monstre? Monstre du temps , Monstre de la fortune, qui ne l'auoit esleué à ce zenith d'autorité, que pour le foudroyer & renuerser iusques

au nadir de la misere mesme.

Le Ciel ne nous promettoit-il pas vne continuation de torrens, qui luy seruoient comme de larmes, pour deplorer nostre infortune: Ne sembloit-il pas vouloir degenerer en ce climat François, en vn ciel de bronze? Le Soleil mesme n'auoit-il pas horreur de ses execrables desseins & deportemens, lors qu'à rout bout de champ il se cachoit dans ces voiles espais de nuages, nous laissant icy bas tous estonnez & esperdus?

Mais ce Ciel pluuieux s'est rasserené, ce Soleil honteux & terny s'est descouuert, ces pauures cœurs François serrez & oppressez de destresse, se sont eslargis & comme espantoyz d'allegresse, la miserable cause de tels effects finestes en ayant esté ostce.

Voilà (SIRE) de grands tesmoignages de vostre iustice & equité au commandemēt d'vne telle entreprinse, fuiuis encor de plus remarquables & signalez. Car ces quatre les plus nobles parties de l'Vniuers, n'ont peu se contenter, par ie ne sçay quel instinct (naturel, ou diuin ie ne sçay) de cette douce mort, receuë plus honorablemēt qu'il ne meritoit; douce, dis-je, pour n'auoir esté attendue & sentie, pour cette raison estimée la meillcure au iugement de Cesar.

Cette

Cette terre , grossier & pesant element, qu'il estimoit indigne de le porter, s'esleuant comme vn autre Salmonée, en l'air hautain de ses desseins ambitieux, & y contrefaisant vostre Majesté Royale, qui l'a foudroyé misérablement, n'a elle pas monstre vn desdain bien plus vray & refroigné que le sien? A elle peu conseruer sa charongne entiere en son sein delicat & superbe? l'a elle peu endurer sur la surface qui le desdaignoit encore, n'en pouuant supporter la moindre partie? Elle qui souffre les bestes les plus farousches & inhumaines, n'a peu supporter ce Lyō rauissant des Finances, ce Tigre carnassier, & yure du sang François innocent.

Le feu ne sembloit-il pas contrepointer aussi la terre, pour brusler auident ces parties hachées par la iuste fureur de ces Menades Françoises, animées d'un grand & extreme ressentiment de leurs pertes? Sa vertu n'a eu garde d'estre suspenduë pour conseruer & rafraischir ces miserables fragments, comme elle a esté plusieurs fois, & ainsi que la Salemandre s'y conserue, & les Piralides s'y nourrissent.

L'eau n'a elle pas cōcouru à cette vengeance, receuant les os qui auoient supporté ce corps animé d'une ame la plus monstrueuse

que iamais la nature ait produit, & les fables nous ayent représenté sous l'escorce de leurs fictions, puisque la terre sa sœur germaine les desdaignoit. Ce vaste glouton element a-il rien qui luy puisse peser d'auantage, encôres qu'il heberge tout ce qui est de plus hideux en ce monde, les Crocodiles malicieux & homicides, les Baleines pernicieuses, les Sirenes doucement malheureuses, desquels il a imité la barbarie?

Mais quoy? l'air n'a-il pas participé & donné quelque chose du sien, luy qui est susceptible de toutes formes, à cette tragedie, où ses trois compagnons ou germains yssus d'un mesme pere, ont iouié leur personnage? Iamais il n'a concouru de telle sorte à aucune action, iuste ou iniuste, qu'à celle cy: quand de premier abord & à la nouuelle de cette mort, qui a esté & sera vne vie à la France, l'on n'oyoit autre chose qu'iniures & imprecations à l'encontre de ce desnature. N'a il pas receu ce bruit & tintamarre des coups laschez & deschargez en tel nombre, qu'il faudroit de nouuelles Arithmetiques pour les supputer exactement, sur ce cadauer, lequel on auoit plus de raison de persecuter, qu'il n'auoit de poursuire, comme il faisoit

à cor

à cor & à cry, ces images viuantes de la diuinité. Et ce qui est de plus pour tesmoigner & approuuer vostre iustice en son endroit, & vostre compassion & pitié enuers vostre peuple, ne l'avez vous pas ouy bruire & rentir de congratulations, allegresses, applaudissemens, & benedictions, desquelles vostre autorité Royale prosperera à iamais, & sera conseruée par ceste affection & ferueur, que là il a monstre par effect. Ne craignez point qu'elle vienne iamais à se diminuer, ou alterer pour quelque changement de fortune ou du temps, elle est trop enracinée au centre des cœurs François, desquels toutes les lignes qui en procedent, aboutiront toutes à vostre seruice.

Ils n'ont pas garde d'estre si desnaturez que d'en iamais forligner, puisque vous leur avez baillé subiet d'une ioye perpetuelle, les ostant des mains de cette cruelle Bellonne, qui les mastinoit outrageusement, & que les avez traduits de ce siecle de fer en ce bel aage d'or, où vous les faictes reuiure par vne Metempsychose la plus estrange du monde: Car vous les avez fait passer de leurs corps qui n'humoiert qu'un air d'horreur & puanteur Martiale, en d'autres qui ne respirent

